



2017թ-ի ամենաբարձր վարկանիշ վայելող համայնքի ղեկավար է ճանաչվել Բյուրեղավան համայնքի ղեկավար Հակոբ Բալասյանը: «Համագային վստահություն» խորհուրդը տարբեր ընկերությունների շրջանում իրականացրել է կոնտենտ վերլուծություն՝ ամփոփելով 2017թ-ի կատարած սոցիալոգումների և փորձագիտական եզրակացության տվյալները, որի արդյունքներով ձևավորվել է «Վստահության վարկանիշ 2017» մրցանակաբաշխությունը: Այսօր տեղի ունեցավ մրցանակակիրների մեծարման և պարգևատրման արարողությունը: Պարգևատրվեցին բարձր վարկանիշ ունեցող անհատներն ու կազմակերպությունները: «Համագային վստահություն» խորհրդի տնօրեն Անահիտ Խաչատրյանը՝ հանձնելով հավաստագիրը և մրցանակը նշեց. «Կոտայքի մարզի Բյուրեղավան համայնքի ղեկավար Հակոբ Բալասյանը փորձագիտական գնահատականների արդյունքում արժանացել է «Բարձր վարկանիշ ունեցող տարվա համայնքի ղեկավար» անվանակարգին»: Մրցանակաբաշխության ընթացքում ներկայացվեց Հակոբ Բալասյանի կյանքը, գործունեությունը, համայնքում իրականացրած աշխատանքները: Ըստ Հակոբ Բալասյանի՝ բարձր վարկանիշ ունեցող համայնքի ղեկավարի տիտղոսը կրելը պարտավորեցնող է, իսկ գնահատված լինելը՝ հաճելի:

16.12.17